

Broj: 03-20-198/2021
Sarajevo, 12.02.2021. godine

Broj	Priloga	Broj	Priloga
01.02-20-	500	21	

PARLAMENT FEDERACIJE
BOSNE I HERCEGOVINE

- Predstavnički - Zastupnički dom
gosp. Mirsad Zaimović, predsjedavajući
- Dom naroda
gosp. Tomislav Martinović, predsjedavajući

Poštovani,

U prilogu Vam, dostavljam Informaciju o produženju važenja Srednjoročne strategije razvoja poljoprivrednog sektora u Federaciji Bosne i Hercegovine za period 2015.-2020. godina do kraja 2021. godine, koju je Vlada Federacije Bosne i Hercegovine usvojila i donijela Zaključak o usvajanju iste, na 255. sjednici, održanoj 11.02.2021. godine.

S poštovanjem,



PREMIJER
Fadi Novalić

Prilog: kao u tekstu

Cc: Federalno ministarstvo poljoprivrede, vodoprivrede i šumarstva
gosp. Šemsudin Dedić, ministar

INFORMACIJA

o produženju važenja Srednjoročne strategije razvoja poljoprivrednog sektora u Federaciji Bosne i Hercegovine za period 2015.-2020. godina do kraja 2021. godine

Članom 5. Zakona o poljoprivredi („Službene novine Federacije BiH“, br. 88/07, 4/10 i 7/13) propisano je da se poljoprivredna politika provodi prema Srednjoročnoj strategiji razvoja poljoprivrednog sektora u Federaciji BiH (u daljem tekstu: poljoprivredna strategija), koja sadrži kratkoročne i srednjoročne ciljeve, mjere, vremenski slijed, nosioce i rokove ostvarenja tih ciljeva. Navedenim Zakonom je propisano da se poljoprivredna strategije donosi za razdoblje od pet godina. Članom 5. st. (4) i (5) Zakona o poljoprivredi je propisano da nakon što Vlada Federacije Bosne i Hercegovine utvrdi prijedlog, odluku o usvajanju poljoprivredne strategije donosi Parlament Federacije Bosne i Hercegovine.

Postojeća poljoprivredna strategija donesena je za period 2015.-2019. godine i još uvijek nije urađena nova jer se čekalo usvajanje Strategije razvoja Federacije za period 2021. - 2027. godina. S tim u vezi, Federalno ministarstvo poljoprivrede, vodoprivrede i šumarstva je informisalo Vladu Federacije Bosne i Hercegovine i na 202. sjednici Vlade, održanoj 05.12.2019. godine, usvojena je Informacija o produženju važenja Srednjoročne strategije razvoja poljoprivrednog sektora u Federaciji BiH za razdoblje 2015 – 2019. godina do kraja 2020. godine i donesen je zaključak V.broj:1389/2019 od 05.12.2019. godine.

U skladu sa tačkom 3. navedenog zaključka Generalni sekretarijat Vlade Federacije Bosne i Hercegovine je predmetnu Informaciju dostavio Parlamentu Federacije Bosne i Hercegovine. Parlament FBiH je upoznat sa predmetnim i to Predstavnički dom na 6. vanrednoj sjednici od 17.12.2019. godine, a Doma naroda na 4. sjednici od 19.12.2019. godine.

Postupajući u skladu sa tačkom 2. predmetnog zaključka, Federalno ministarstvo poljoprivrede, vodoprivrede i šumarstva je pripremlilo i Odluku o izradi strategije poljoprivrede i ruralnog razvoja Federacije Bosne i Hercegovine 2021-2027. godina i ista je usvojena na 233. sjednici Vlade Federacije Bosne i Hercegovine, održanoj 28.08.2020. godine.

Međutim, nakon što je Vlada Federacije Bosne i Hercegovine na 250. sjednici održanoj 08.01.2021. godine donijela Uredbu o dopuni Uredbe o izradi strateških dokumenata u Federaciji Bosne i Hercegovine te propisala da postupanje institucija svih nivoa vlasti Federaciji Bosne i Hercegovine po navedenoj Uredbi počinje od 01.01.2022. godine, izvršeno je preispitivanje svih naših aktivnosti vezano za izradu naše sektorske strategije sa aspekata naših nadležnosti. S tim u vezi, a imajući u vidu gore izneseno, a posebno činjenicu da još uvijek nije usvojena Strategiji razvoja Bosne i Hercegovine, stava smo da je najispravnije produžiti primjenu postojeće sektorske strategije za još jednu godinu odnosno do kraja 2021. godine.

Naime, Zakon o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17) je definisao ciljeve i principe razvojnog planiranja i upravljanja razvojem Federacije. Uspostavljanje sistema razvojnog planiranja i upravljanja razvojem u Federaciji omogućava: a)

transparentno i usaglašeno razvojno planiranje i upravljanje razvojem u Federaciji, kantonima i jedinicama lokalne samouprave; b) u najboljem interesu građana Federacije koordinaciju i integraciju strateških dokumenata i javnih i drugih finansijskih resursa kako bi se osigurala realizacija razvojnih prioriteta. U skladu sa ovim Zakonom u Federaciji se mora imati usklađen pristup razvojnom planiranju, programiranju, finansiranju i upravljanju razvojem svih nivoa vlasti u Federaciji. U članu 15. ovog Zakona je propisano da se planiranje razvoja u Federaciji zasniva na uzajamno usaglašenim strateškim dokumentima: Strategiji razvoja Federacije, sektorskim strategijama Federacije, strategijama razvoja kantona, sektorskim strategijama kantona i strategijama razvoja jedinica lokalne samouprave. U članu 16. Zakona je propisano da se Strategijom razvoja Federacije utvrđuju ciljevi i prioriteti razvoja Federacije, način njihovog ostvarivanja, finansijski i institucionalni okvir za implementaciju, monitoring, evaluaciju i izvještavanje te da je Strategija razvoja između ostalog osnovni dokument za izradu sektorskih strategija jer Strategija razvoja Federacije sadrži prioritete i razvojne pravce Federacije definirane u Strategiji razvoja Bosne i Hercegovine, dokumentima relevantnim za proces evropskih integracija i drugim međunarodno preuzetim obavezama Bosne i Hercegovine.

U Federaciji su u toku završne aktivnosti na usvajanju Strategije razvoja Federacije za period 2021. - 2027. godina koja će biti osnovna platforma socioekonomskog razvoja Federacije i služiti kao podloga za sve ostale strateške dokumente u Federaciji kao i sektorske strategije Federacije.

Strateški dokumenti donose se na vremenski period usklađen sa ciklusom planiranja Evropske unije. S tim u vezi posebno naglašavamo da je ciklus programiranja politike u Europskoj uniji vezan za sedmogodišnje razdoblje koje je započelo 2014. godine, a završava 2020. godine, nakon čega slijedi slijedi novi ciklus programiranja EU politike koji će pokrivati razdoblje od 2021. do 2027. godine. Imajući ovo u vidu, Vijeće ministara Bosne i Hercegovine je kod pripreme Strateškog plana ruralnog razvoja Bosne i Hercegovine odredilo razdoblje važenja tog plana od 2018. do 2021. godine. Razlog za određivanje ovog perioda je obaveza usklađivanja strateških i drugih dokumenata u Bosni i Hercegovini sa najnovijom zajedničkom poljoprivrednom politikom Evropske unije. Priprema strateškog dokumenta zahtijeva period od najmanje godinu dana, pa je zbog toga programiranje u Bosni i Hercegovini pomaknuto za jednu godinu u odnosu na ciklus programiranja politike u EU.

Kako važenje poljoprivredne strategije u Federaciji Bosne i Hercegovine isteklo na kraju 2020. godine, a još uvijek nije usvojena Strategije razvoja Federacije i još nije pokrenut novi ciklus programiranja politike u EU, u ovom periodu izrada i usvajanje nove strategije poljoprivrede bi bila u suprotnosti sa Zakonom o razvojnom planiranju i upravljanju razvojem u Federaciji Bosne i Hercegovine kao i politici EU jer nova poljoprivredna strategiju za Federaciju Bosne i Hercegovine u tom slučaju ne bi mogla slijediti ciklus programiranja u EU jer bi bila preuranjena, ciklus programiranja politika u Bosni i Hercegovini jer bi bila donesena prije državnog Strateškog plana ruralnog razvoja kao ni ciklus programiranja politika u Federaciji Bosne i Hercegovine jer bi bila donesena prije usvajanja Strategije razvoja Federacije.

Ističemo da je članom 37. Zakona o razvojnom planiranju i upravljanju razvojem u Federaciji Bosne i Hercegovine definisan prvi ciklus planiranja razvoja Federacije i s tim u vezi je propisano da se strateški dokumenti iz člana 15. ovog Zakona, ne izrađuju za postojeći ciklus planiranja do kraja 2020. godine osim Strategije razvoja Federacije. Imajući u vidu da je izmjenjena Uredba za izradu strateških dokumenata i da njena

primjena počinje od 01.01.2022. godine, procijenili smo da je najefikasnije da se u ovoj godini završe sve aktivnosti na izradi nove Strategije poljoprivrede jer opravdano očekujemo da će u ovoj godini biti donesena Strategija razvoja Federacije za period 2021. - 2027. godina.

Pokrenuli smo i aktivnosti za izmjenu člana 5. Zakona o poljoprivredi („Službene novine Federacije BiH“, br. 88/07, 4/10 i 7/13), a u cilju usklađivanja izrade poljoprivredne strategije sa Zakonom o razvojnom planiranju i upravljanju razvojem u Federaciji Bosne i Hercegovine i Urebom o izradi strateških dokumenata.

Iz svega naprijed navedenog, potrebno je Vladu Federacije BiH i Parlament Federacije BiH upoznati sa promijenjenim okolnostima kako bi se otklonile nejasnoće vezano za rok važenja strateškog dokumenta u oblasti poljoprivrede te još jednom produžila primjena postojeće strategije tako da važi do kraja ove godine.

Istovremeno je potrebno što hitnije pripremiti Izmjene i dopune već donesene Odluke o izradi strategije poljoprivrede i ruralnog razvoja Federacije Bosne i Hercegovine („Službene novine Federacije BiH“ broj 62/20) na način da se izvrši usaglašavanje sa promijenjenim propisima kako bi se osigurala usaglašenost i komplementarnost razvojnih pravaca i strateških ciljeva u poljoprivredi i ruralnom razvoju sa ciljevima iz Strategije razvoja Federacije BiH kao i ostalim relevantnim dokumentima.

Radi svega naprijed iznesenog, konstatujemo da je postojeća Srednjoročna strategija razvoja poljoprivrednog sektora u Federaciji Bosne i Hercegovine za period 2015.-2020. godina na snazi još jednu godinu odnosno do kraja 2021. godine do kada se trebaju završiti sve aktivnosti na donošenju nove poljoprivredne strategije.

Realizacija operativnih ciljeva iz postojeće poljoprivredne strategije u 2021. godini, vršit će se u skladu sa već odedenim i raspoloživim budžetskim sredstvima i nisu potrebna dodatna izdvajanja iz Budžeta Federacije Bosne i Hercegovine.

Na osnovu člana 19. stav (4) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), a u vezi sa članom 37. Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17), na prijedlog Federalnog ministarstva poljoprivrede, vodoprivrede i šumarstva, Vlada Federacije Bosne i Hercegovine na 255. sjednici održanoj 11.02. 2021. godine, donosi

ZAKLJUČAK

1. Usvaja se Informacija o produženju važenja Srednjoročne strategije razvoja poljoprivrednog sektora u Federaciji Bosne i Hercegovine za period 2015.-2020. godina do kraja 2021. godine.
2. Zadužuje se Federalno ministarstvo poljoprivrede, vodoprivrede i šumarstva da u skladu sa Uredbom o izradi strateških dokumenata u Federaciji Bosne i Hercegovine („Službene novine Federacije BiH“, br. 74/19 i 2/21) za Vladu Federacije Bosne i Hercegovine pripremi Odluku o izmjenama i dopunama Odluke o pokretanju procesa izrade Strategije razvoja poljoprivrednog sektora u Federaciji Bosne i Hercegovine za period 2021.-2027. godine („Službene novine Federacije BiH“, broj 62/20).
3. Zadužuje se Generalni sekretarijat Vlade Federacije Bosne i Hercegovine da Informaciju iz tačke 1. ovog zaključka dostavi Parlamentu Federacije Bosne i Hercegovine.
4. Ovaj zaključak stupa na snagu danom donošenja.

V. broj: 267 /2021
11.02.2021. godine
Sarajevo



Temeljem članka 19. stavak (4) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), a u vezi sa člankom 37. Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17), na prijedlog Federalnog ministarstva poljoprivrede, vodoprivrede i šumarstva, Vlada Federacije Bosne i Hercegovine na 255. sjednici održanoj 11.02. 2021. godine, donosi

ZAKLJUČAK

1. Usvaja se Informacija o produženju važenja Srednjoročne strategije razvoja poljoprivrednog sektora u Federaciji Bosne i Hercegovine za razdoblje 2015.-2020. godina do kraja 2021. godine.
2. Zadužuje se Federalno ministarstvo poljoprivrede, vodoprivrede i šumarstva da u skladu sa Uredbom o izradi strateških dokumenata u Federaciji Bosne i Hercegovine („Službene novine Federacije BiH“, br. 74/19 i 2/21) za Vladu Federacije Bosne i Hercegovine pripremi Odluku o izmjenama i dopunama Odluke o pokretanju procesa izrade Strategije razvoja poljoprivrednog sektora u Federaciji Bosne i Hercegovine za razdoblje 2021.-2027. godine („Službene novine Federacije BiH“, broj 62/20).
3. Zadužuje se Generalno tajništvo Vlade Federacije Bosne i Hercegovine da Informaciju iz točke 1. ovog Zaključka dostavi Parlamentu Federacije Bosne i Hercegovine.
4. Ovaj zaključak stupa na snagu danom donošenja.

V. broj: 267 /2021
11.02.2021. godine
Sarajevo



На основу члана 19. став (4) Закона о Влади Федерације Босне и Херцеговине ("Службене новине Федерације БиХ", бр. 1/94, 8/95, 58/02, 19/03, 2/06 и 8/06), а у вези са чланом 37. Закона о развојном планирању и управљању развојем у Федерацији Босне и Херцеговине („Службене новине Федерације БиХ“, број 32/17), на приједлог Федералног министарства пољопривреде, водопривреде и шумарства, Влада Федерације Босне и Херцеговине на 255. сједници одржаној 11.02. 2021. године, доноси

ЗАКЉУЧАК

1. Усваја се Информација о продужењу важења Средњорочне стратегије развоја пољопривредног сектора у Федерацији Босне и Херцеговине за период 2015.-2020. година до краја 2021. године.
2. Задужује се Федерално министарство пољопривреде, водопривреде и шумарства да у складу са Уредбом о изради стратешких докумената у Федерацији Босне и Херцеговине („Службене новине Федерације БиХ“, бр. 74/19 и 2/21) за Владу Федерације Босне и Херцеговине припреми Одлуку о измјенама и допунама Одлуке о покретању процеса израде Стратегије развоја пољопривредног сектора у Федерацији Босне и Херцеговине за период 2021.-2027. године („Службене новине Федерације БиХ“, број 62/20).
3. Задужује се Генерални секретаријат Владе Федерације Босне и Херцеговине да Информацију из тачке 1. овог закључка достави Парламенту Федерације Босне и Херцеговине.
4. Овај закључак ступа на снагу даном доношења.

В. број: 267 /2021
11.02.2021. године
Сарајево

